


LISO LANKULUNKULU

 . . . futsi loko kukuMoya loyiNgewele kuto tonkhe tetsameli manje, netiNgelosi teNkhosi tikhona kukhonta eGameni laKhristu.

² Bengifundza umBhalo kulentsambama ngisadadisha eNewadzini yeTihlabelelo, futsi ngifisa kuwufundza umzuzwana nje, emavesi lambalwa ako, ngitawusho emavesi lamabili. Leso Sihlabelelo sema 32, livesi le 7 nele 8:

Wena uyindzawo yami yekubhaca; . . .

³ Ngiyakutsandza loko. Davide akhuluma kutsi Nkulunkulu uyiNdzawo yakhe yekuBhaca. Ngitsandza kanjani kukucabanga kutsi sineNdzawo yekuBhaca, kutsi Bukhona lobukhulu baNkulunkulu bungaba yiNdzawo yetfu yekuBhaca, lapho singabhaca khona etintfweni telive. Futsi uma kufika inkhatsato, UyiNdzawo yetfu yekuBhaca.

⁴ Futsi evesini 8 Watsi:

. . . futsi Ngitakuhola ngeliso lami.

⁵ Bengicabanga, Nkulunkulu akhuluma lapho, kutsi Bekatasihola kanjani ngeliso laKhe, nekwati kutsi Bukhona baKhe buhlala busedvute futsi Uyasihola! Futsi bengicabanga kutsi kufaneleka njani kwalowo mBhalo encekwini yeliciniso yaKhristu. KuJohane loNgewele 5:19, ngesikhatsi Atsi, “Ngicinisile, ngicinisile, Ngitsi kini, iNdvodzana ingeke yente lutfo ngekwaYo kuphela loko Lebona uYise akwenta, loko iNdvodzana iyakwenta kanjalo.”

⁶ Liso lelikhulu laJehova, Jesu bekabuka ngemehlo aKhe. Kufanele kutsi kwakungemehlo aJehova Lebekabuka ngawo ngesikhatsi Simoni enyuka, futsi Wamtjela kutsi ligama lakhe kwakunguSimoni, futsi Bekatolintjintja libe nguKhefasi, futsi wamtjela kutsi ligama leyise kwakunguJona. Kwakufanele nje kube liso laNkulunkulu Lebekabuka ngalo.

⁷ Liso laNkulunkulu belisolo linebaphrofethi kuyoyonkhe leminyaka lebebakhona kubona ngaphambili loko lebekutawenteka.

⁸ Bekungeke kube ngulolunye lutfo ngaphandle kweliso laNkulunkulu ngesikhatsi Nathanayeli aletfwa nguFiliphu eBukhloneni baKhe, naJesu watsi kuye, “Bukani umIsrayeli!”

Wase utsi, “Ungati nini Wena, Rabi?”

Watsi, “Ngaphambi kwekutsi Filiphu akubite, ngesikhatsi ungaphansi kwesihlahla, Ngikubonile.” Kufanele kutsi kwakuliso laNkulunkulu Lebekabuka ngalo.

⁹ Kufanele kutsi kwakuliso laNkulunkulu kuJohane loNgcwele 4 ngesikhatsi Abone lowesifazane kutsi bekanemadvodza lasihlanu.

¹⁰ Kwakuliso laNkulunkulu Lebekabuka ngalo ngesikhatsi A...lowesifazane atsintsa sembatfo saKhe nemandla aphuma kuYe, futsi Wabuka etikwetetsameli taKhe waze Wamtfola lowesifazane futsi wati kutsi beyiyini inkhatsato yakhe.

¹¹ Bekungeke kube ngulolunye lutfo ngaphandle kwekubuka ngeliso laNkulunkulu ngesikhatsi Abona imicabango yebaFarisi ngesikhatsi batsi, “UnguBhelzebule,” etinhlityweni tabo.

¹² Kwakuliso laNkulunkulu Lebekabuka ngalo ngesikhatsi Abona imicabango yebafundzi ngesikhatsi batsi, kuzindla, ngubani lobekatoba ngulomkhulu kunabo bonkhe emkhatsini wabo.

¹³ Bekuliso laNkulunkulu Lebekabuka ngalo ngesikhatsi Ehlela echibini laseBhethesda futsi wacalata kutfo indvodza eluhlakeni, futsi wati kutsi bekakadze akulesosimo iminyaka lengemashumi lamatsatfu nesiphohlango.

¹⁴ Futsi kuyindvudvuto lenjani pho ekufundzeni kwetfu kwemBhalo itolo ebusuku kutsi sitfole kutsi Jesu watsi, “ImiBhalo ingeke yephulwe.”

¹⁵ Kwase kutsi-ke ngesikhatsi Jesu ahamba naleloliso lelikhulu laNkulunkulu lebelitohola, Wetsembisa, “Letintfo leNgitentako, lemisebenti leNgiyentako nani nitoyenta.” Naleloliso leliholako lalingadzingeki kutsi lihambe ekuhambeni kweNkhosi Jesu, Bekatochubeka ingunaphakadze eBandleni laKhe. Futsi ngesikhatsi Avuka ngelusuku lwesitsatfu, futsi wenyukela Etulu, wase utfumela Moya loyiNgcwele emuva kutsi liBandla kusihlwa libuke ngaleloliso lelifanako leliholako lohola bantfu baKhe baye kulolonkhe liCiniso, futsi UliCiniso.

¹⁶ Futsi sijabula kanjani kusihlwa kwati kutsi leyomiBhalo ingeke yephulwe, futsi sati kutsi leloliso lelifanako litosihola lisebukhoneni betfu kusihlwa, noma, sisebukhoneni balo kusihlwa, litosihola sisuke ekuguleni siye ekuphileni, litosihola sisuke etinhluphekweni tetfu siye esiphambanweni, litawusihola kutsi sisuke ekuhlaselekeni siye ekuphileni lokuhle, litosihola sisuke emphilweni lenesono siye kulengcwele, imphilo lebekwe eceleni kuNkulunkulu! Lobo Bukhona baNkulunkulu buhlala busedvute.

¹⁷ Jesu watsi, “Bukani, Nginani njalo, kuze kube sekupheleni.” Futsi sisondzela ekupheleni. Khona-ke njengoba Jesu acinisekisa leloliso leliholako likanye naYe etinsukwini ngesikhatsi Atembula Yena lucobo kumaJuda ngaphambi kwakuphela kwalowomnyaka welibandla kumaJuda, noma, simiselo sesikhatsi sabo, Wakubonakalisa ngekubuka ngeliso laNkulunkulu. Wenta intfo lefanako kumaSamariya, futsi manje sinebeTive labasele.

18 Futsi kusihlwa Nkulunkulu usabuka ngaleloliso lelifanako, ngoba Khristu unguye itolo, namuhla, naphakadze. Futsi Usasolo abuka ngeliso laNkulunkulu ngako konkhe Langakwenta, ngemusa waKhe nemandla langewelisako, usihlante futsi usibitele kutsi sibe ngemadvodzana nemadvodzakati aKhe kutsi asisebentise njengemivini, noma, emagala eMvinini, kutsi solo sibuke ngeliso laNkulunkulu kute sibone loko lebekukhona nalokutawuba khona. Futsi singeke sihambe ebumnyameni kuphela nje uma sibuka ngeliso laNkulunkulu.

19 Liso laNkulunkulu libonakalisa intsandvo yaKhe, libonakalisa uMoya waKhe—waKhe, libonakalisa Livi laKhe. Bekungasita ngani ngakoknkhe kuceceshwa kwetfu na? Bekungakwentela ini lokuhle yonkhe imfundziso yetfu kanye nesayensi yetfu yenkholo kube bekute lokutawusigcina ngisho sisekelekile? Kungawusita ngani umkhumbi kutsi ube nemaseyili lamakhulu, nesihloko lesikhulu, lesihle, nemgogodla, nemakhikhi kuwo, ikhampasi lenkhulu ngekhatshi, uma bewungenaso sicondziso? Kube ke bewute ikhampasi ite ngisho nesicondziso? Bewutawuvele ushaywe yimimoya usuke endzaweni uye kulenye.

20 Kodwa siyabonga kutsi Nkulunkulu unesicondziso nekampasi, Usatisa kutsi sime kuphi namuhla, nekutsi kutoba yini. Uyo...Watsi, “Angiyuze ngikushiye, Angiyuze ngikulahle.” Ngako asibuke ngeliso laNkulunkulu kusihlwa, futsi sitobona kutsi Utasiholela eKhalvari.

21 Futsi eKhalvari, yonkhe intfo yase iphelile. “Yalinyatwa ngenca yetiphambeko tetfu, ngemivimba yaYo saphiliswa tsine.” Sonkhe soni lapha kusihlwa sa—sasindziswa ngesikhatsi Jesu Khristu afa eKhalvari, wonkhe umuntfu logulako waphiliswa ngesikhatsi Jesu afa eKhalvari, Wawucedza umsebenti. Intfo kuphela Nkulunkulu langayenta manje kugcoba bafundisi kutsi bashumayele Livi, noma sibeke tiphiwo eBandleni ku—kunikhomba emsebentini lose ucedziwe weNkhosi yetfu Jesu.

Kwangatsi Nkulunkulu anganipha kusihlwa, ngumkhuleko wami, sisakhuleka.

22 Nkulunkulu loPhakadze naloBusisiwe, Lowabuyisa futsi iNkhosi Jesu kulabafile, futsi waYivusa, futsi waYihlalisa ngesekudla saloMkhulu Etulu, lapho incusela etikwekuvuma kwetfu, futsi sita kusihlwa nekuvuma kusho kutsi sikholwa ngilo lonkhe Livi Lasifundzisa lona eVini laKhe. Nekuvuma ku “kusho intfo lefanako.”

23 Futsi siyakholwa kutsi Unguye itolo, namuhla, naphakadze, khona-ke kutsi Bukhona baKhe bulapha futsi butoMmemetela aphila emvakweminyaka lengemakhulu lalishumi nemfica, ekuvalweni kwalomnyaka, noma, simiselo sesikhatsi sebeTive. Wota, Nkhosi Nkulunkulu! Livi linye lelivela kuWe liyosho

lokukhulu kunawo onkhe emavi sonkhe lebesingawasho. Kubona nje Wena ukhuluma ngemandla aKho lamakhulu, bekutawutfumela tinhlitiyo endzaweni lebetingakaze, mhlawumbe, tifike kuyo ngaphambili, futsi bekuyoletsa kukholwa ezingeni lekuphiliswa kwalabagulako nekuhlabeka esonini, leto lebetitawuphendvuka etonweni tato. Futsi siyakhuleka ke, Nkhosi, kusihlwa kutsi imitimba yetfu ingatinikela kuWe ngendlela lephelele kutsi Utokhuluma ngatsi. Siphe, Nkhosi, letibusiso leti.

²⁴ Sicondza kutsi liphimbo letfu lelendlula kulombhobho limemetela kutsi kukhona intfo lephilako, ngoba lombhobho bewuyoba ngulothulile kube bekungekho intfo letsite kwenta umsindvo ngemuva, futsi kanjalo natsi besiyoba njalo, O Nkulunkulu. Kodvwa khuluma, Nkhosi Jesu, njengoba sitinikela kuWe kutsi sikhonte.

²⁵ Futsi ngekutfobeka sitawukhotsamisa tinhloko tetfu futsi sinike Wena ludvumo, sisabita Bukhona baKho. Sinelilungelo lekukwenta, ngoba Wetsembisa kutsi Uyokwenta. Futsi Uyokwenta kuletotisekelo, hhayi ngoba Ufanele ukwente, kodvwa ngoba Wakwetsembisa, nemiBhalo ingeke yephulwe, Ifanele igcwaliseke. Ngako-ke, Nkhosi, silindze ngekutifoba njegetinceku taKho ekubonakalisweni kwekuvuka kwaJesu Khristu. Ngoba sikucela, eGameni laKhe. Amen.

²⁶ Manje kutawuya ngaNkulunkulu. Futsi uma Atosibusisa ngeBukhona baKhe, sitohamba netinhlitiyo letijabulile, njengalabo lebebavela e-Emawuse uma Atotembula Yena lucobo kitsi. Umfundisi ukhulumile, emaculo ahlatjelwe, nemkhuleko wentiwe, umBhalo ushunayeliwe, manje sekusikhatsi saNkulunkulu sekukhuluma. Futsi Nkulunkulu angeke akhulume ngeyetfu..ngalendlela, nje..futsi ente tintfo, ngaphandle uma lotsite atoba lapha kutokuva. “Imisebenti leminengi yemandla Akakhonanga kuyenta ngenca yekungakholwa kwabo.”

²⁷ Ngako kusihlwa kwangatsi nembeza wetfu nemadlingozi etfu anganyakatiswa uma Atosibusisa kakhulu kutsi singene e-esakhiweni setfu lapha kusihlwa futsi Atente atiwe kutsi Ungulotsandzekako, Jesu lovukile.

²⁸ Manje sitobita lilayini lalabakhulekelwako, hhayi labanengi kakhulu, kodvwa labambalwa nje kubaletsa langembili. Ngiyakholwa kutsi batsite emakhadi ekukhulekelwa bekumakhadi ekukhulekelwa P bebawaniketa kusihlwa, njengaku*Pawula*. Itolo ebusuku sitsetse licembu labo, ngako kusihlwa ngikhulwa kutsi bekuvela emashumini lasihlanu kuchubeke kute kube yintfo letsite, emashumi lasikhombisa nesihlanu, noma lokutsite, itolo ebusuku. Ngako asicale futsi sitfole labambalwa nje, njengoba sikhatsi sihamba, sibaleka ngekushesha kitsi. Asesicale futsi sicale ngemashumi

lasiphohlango nesihlanu, futsi siye ekhulwini, kutfolana nje lomunye etulu lapha.

²⁹ Futsi ngubani lophetse likhadi lekukhulekelwa P, emashumi lasiphohlango nesihlanu na? Ungasiphakamisa nje sandla sakho kute sibone kutsi ulapha na? Mhlawumbe ngitfole indzawo lengesiyo. Ngito... Utsini? P, emashumi lasiphohlango nesihlanu. O, lodzadze lapha? Kulungile, dzadze. Yehlela khona lapha. Emashumi lasiphohlango nesitfupha, ungasiphakamisa sandla sakho? Likhadi lekukhulekelwa P, emashumi lasiphohlango nesitfupha, lodzadze. Wonkhe umuntfu lonemakhadi ekukhulekelwa, bukani labo labangakhoni kusukuma, noma lokutsite, noma awukhoni kunyakatisa tandra takho, noma uma u... Buka likhadi lamakhelwane wakho, bangahle bangeva emadlebeni futsi batimungulu.

³⁰ Emashumi lasiphohlango nesihlanu, emashumi lasiphohlango nesitfupha, emashumi lasiphohlango nesikhombisa. Likhadi lekukhulekelwa lemasiumi lasiphohlango nesikhombisa. Etulu le kuvulande losesitezi. Bavele bawakhiphele kusosonkhe sakhiwo, labafana bayawaniketa. Emashumi lasiphohlango nesikhombisa, emashumi lasiphohlango nesiphohlango. O, e... Kulungile. Emashumi lasiphohlango nesiphohlango, emashumi lasiphohlango nemfica. Likhadi lekukhulekelwa P, emashumi lasiphohlango nemfica. Lodzadze lapho. Ngiyabonga, dzadze, ngekumsita; angahle abe sihhulu. Emashumi lasiphohlango nemfica, emashumi layimfica. Ungasiphakamisa sandla sakho? Ngingalibona, lomunye? Likhadi lekukhulekelwa P, emashumi layimfica. Lodzadze, kulungile.

³¹ Emashumi layimfica nakunye, likhadi lekukhulekelwa P, emashumi layimfica nakunye. Emashumi layimfica nakubili, emashumi layimfica nakutsatfu, emashumi layimfica nakune, emashumi layimfica nakune. Kulungile. Emashumi layimfica nesihlanu, emashumi layimfica nesihlanu, likhadi lekukhulekelwa P, emashumi layimfica nesihlanu. Ungasiphakamisa sandla sakho? Elayinini. Emashumi layimfica nesitfupha. Niyabona, kungahle kube ngumuntfu lotsite...

³² Manje, kuta etulu lapha akusho kutsi utawuphiliswa, hhayi nganoma nguyiphi indlela. Ungaphiliswa esitulweni sakho ngalokufanako nje njengoba ungaphiliswa lapha.

³³ Emashumi layimfica nesitfupha, emashumi layimfica nesikhombisa, emashumi layimfica nesiphohlango, emashumi layimfica nemfica, likhulu. Manje, uma singakhona kukhipha laba ngesikhatsi, sitawucala emuva kulenye indzawo bese sivele sichubeke sibaletse etulu.

³⁴ Kodvwa manje, kwenyukela lapha akusho kutsi utophiliswa. I... Ungaphiliswa ngephandle lapho ngalokufanako nje njengoba ungaphiliswa lapha, Nkulunkulu utokuphilisa

kulokufanele kukholwa kwakho, futsi loko kodvwa, njengoba ukholwa nje.

³⁵ Manje, bangakhi ngephandle lapho longenalo likhadi lekukhulekelwa, futsi ufuna Nkulunkulu akuphilise, ungeke ubitelwe etulu ngembali kodvwa ufuna Nkulunkulu akuphilise? Phakamisani tandla tenu nje, nomakuphi kulesakhiwo. Nguleso sizatfu lesenta kutsi sikhipe emakhadi, kute nje sibalayinise.

³⁶ Kulungile, yenta loku: Buka nje kuKhristu. LiBhayibheli lasho kutsi UngumPhristi loMkhulu lonekuvelana nebutsakatsaka betfu. Bangakhi lokwatiko loko? LiBhayibheli lifundzisa loko.

³⁷ Yebo-ke, wesifazane watsintsa sembatfo saKhe futsi Watsi, “Ngiphelelwe ngemandla.” Futsi wesuka wangena etetsamelini ndzawanatsite. NaJesu washo kutsi Bekabutsakatsaka, kutsi emandla bekaphumile kuYe, wase-ke U—Uyacalata waze Wamtfola lowesifazane. Bangakhi labake bayifundza leyondzaba?

³⁸ Yebo-ke khona-ke, ngabe liBhayibheli liyasho yini kumaHebheru 13:8, kutsi Jesu unguye itolo, namuhla, naphakadze? UmBhalo utsi Usenguye umPhristi loMkhulu lonekuvelana nebutsakatsaka betfu. Khona-ke buka kusihlwa, hhayi kumshumayeli, hhayi kulomunye webanakeni noma bodzadzewenu, kodvwa bukani eKhalvari, bukani kuKhristu Lone. . . Hhayi iKhalvari ngco, iKhalvari ngulapho la imbadalo yabhadalwa khona, kodvwa Khristu ukhashane neKhalvari kusihlwa, UseBukhoneni baNkulunkulu, uphila njalonjalo kwenta kuncusela etikwekuvuma kwetfu, uMoya waKhristu ulapha emkhatsini wetfu kusihlwa.

³⁹ Futsi caphelani, basamisa bantfu lilayini, ngesikhatsi Khristu alapha emhlabeni, Watsi, “Ngavela kuNkulunkulu, futsi Ngiya kuNkulunkulu.” Niyakwati loko kutsi kuliciniso na? Bangakhi lokholwako kutsi Khristu bekasehlane nebantfwana baka-Israyeli na? LeyoNsika yeMlilo leyahola bantfwana baka-Israyeli kwaku nguKhristu. Niyakukholwa loko, iNgelosi yesivumelwano yayisesihlahleni lesivutsako? Watsi beKakhona.

⁴⁰ “Angakabikhona Abrahamama, NGIKHONA.” Futsi NGIKHONA kwakunguYe lowakhuluma naMosi esihlahleni. Khona-ke Nkulunkulu wabonakaliswa enyameni kususa sono, lebesisemtimbeni weNdvodzana yaKhe, Khristu, ngoba Nkulunkulu bekakuKhristu enta kutsi live libuyisane naYe, Wativeta Yena lucobo ngaKhristu. NaKhristu watsi, “Ngivela kuNkulunkulu,” avela eNsikeni yeMlilo, “futsi Ngibuyela kulesosimo.” Emvakwekufa kwaKhe, kungcwatjwa, nekuvuka ekufeni, Pawula wahlangana naYe endleleni leya eDamaseko, futsi Bekasabuyele ekuKhanyeni futsi. Bangakhi lowatiko kutsi loko kuliciniso na?

41 Yebo-ke, noma ngumuphi umoya utotifakazela wona lucobo, noma ngukuphi kuphila kutofakaza. Kuphila kwe, njengoba ngishito phambilini, kuphila kwemvini welitsanga kuyotsela kuphila . . . kutsele ematsanga, emagilebisi ayotsela emagilebisi.

42 Jesu watsi, “NgingumVini, nine ningemagala.” Lokuphila lokukuwe . . . Kube benginitjele kutsi umoya wemgulukudvu bewukimi, benitolindzela kutsi ngibe netibhamu letinkhulu futsi ngibe yingoti; kube nginitjele kutsi umoya wemdvwebi bewukimi, bengitokhona kudvweba titfombe umdvwebi latidvweba; futsi uma sitsi uMoya waKhristu ukitsi, senta letintfo Khristu latentata.

43 Ngicabanga kutsi lesitfombe lapha . . . Hhayi sami, angikaphatselani nalutfo naso nhlobo, nguKhristu ativeta Yena lucobo kubantfu baKhe. Khona-ke, uma lesi—leSidalwa lesi lesatfwetjulwa lapha, eJalimane, netindzawo letehlukene, nasembikwemadvodza lamakhulu, ngisho ne-FBI yasihlola lesitfombe, George J. Lacy, futsi uma Yafakazelwa kutsi iSidalwa lesingetulu kwemvelo, futsi Ibukaka njengeNsika yeMlilo lefanako, khona-ke KwakunguKhristu asolo aneliBandla laKhe. “Angiyuze nginisiye noma nginilahle.” Khona-ke, “Lemisebenti lengiyentako Mine nani nitoyenta,” Utokwenta luhlobo lolufanako lwemisebenti Layenta uma KunguMoya waKhristu. Uma kungesiwo uMoya waKhristu, ungeke uwente leyomisebenti. Etikwaloku, ake sitsi . . .

44 Ngabe ungulodzadze lotokhulekelwa na? Ngifuna kwati, bangakhi kulesakhiwo lenitophakamisa tandla tenu kutsi anginati? Asibone tandla tenu, wonkhe umuntfu kulesakhiwo, elayinini lalabakhulekelwako, futsi, kutsi angikwati.

45 Nasi sitfombe seliBhayibheli. Manje, khumbulani, liBhayibheli labhalwa nguMoya loyiNgcwele, naMoya lowabhala liBhayibheli usaphila. Akabi nako kugucuka, Akati kakhulu namuhla kunaloko Bekakwati ngalesosikhatsi, ngoba Bekangulongenasisiphetfo kwekucala nje.

46 Futsi uma Nkulunkulu enta noma yini ekucaleni, futsi uma timo letifanako tivuka futsi, futsi nangabe Enta lokwehlukile kunaloko Lakwenta ekucaleni, Wenta kabi ngesikhatsi Enta, Utofanele ahlale afana. Akakhaliphi kakhulu njengoba senta, ngoba Beka—Bekangulongenasisiphetfo kwekucala nje.

47 NaleliBhayibheli lingiko kokubili umlandvo, Lingumprofethi, Liyindzaba yelutsandvo, futsi lifanekisa Khristu kitsi. Khona-ke uma Khristu weliBhayibheli angakafi, kodvwa aphila, Utofanele atibonakalise Yena lucobo njengoba nje Enta eBhayibhelini.

48 Manje, nangu wesifazane, lotsandzekako, umuntfu lotsandzekako u . . . Angikaze ngimbone. Ubukaka cishe abe semnyakeni wamake wami. Angikaze ngimbone emphilweni yami, futsi sitihambi ngalokuphelele kulomunye nalomunye.

Futsi nasi sitfombe se, inkhundla yeliBhayibheli, njengoba kwakunjalo kuJohane loNgcwele sahluko se 4 ngesikhatsi iNdvodza newesifazane, Jesu emtfontjeni nalowesifazane, futsi Wakhuluma naye.

⁴⁹ Manje caphelani, Bekasendleleni yaKhe abheke eJerikho, kodvwa adzinga kwendlula ngaseSamariya. Ngani na? Wavele watsi nje kuJohane loNgcwele 5, “Angenti lutfo, aze Babe aNgikhombise kucala.” Niyawukholwa lowomBhalo na? Khona-ke Akazange ente ngisho namunye ummangaliso ngaphandle kwaNkulunkulu aMkhombise kucala.

. . . Ngicinisile, ngicinisile, Ngitsi kini, iNdvodzana ingeke yente lutfo ngekwayo, kodvwa loko lebona uYise akwenta: . . . loko iNdvodzana iyakwenta kanjalo.

⁵⁰ Futsi lotsandzekako wami, dzadze lotsandzekako, kube bekukhona intfo yinye lebengingayenta kukusita kutsi usindze, noma—noma ngabe yini inkhatsato yakho, ungahle ungaguli ngisho nekugula, angati, angikaze ngihlangane nawe, kube bekukhona nomayini lebengingayenta kukusita, uma kutetimali, ngingahle ngikunike lencane kakhulu imali, ngoba anginayo kodvwa lencane, kube bekuyinkhatsato yasekhaya, bengitotama kukhuluma nalotsandzekako wakho, be—bengitokwenta nomayini lebengingayenta.

⁵¹ Kodvwa manje, njengekuphilisa, uma kukuphilisa, sekuvele kwentiwe, uma ufuna kuphiliswa lokuvela kuKhristu. Bekungeke kube kimi kwenta loko, noma lomunye umuntfu, bekutawuba kuNkulunkulu. Futsi Nkulunkulu sewuvele ukwentile, ngekwelivi laKhe, khona-ke, intfo kuphela lesingayenta, njengebafundisi, lamanye emadvodza lenele kukwenta, kuchaze ngemBhalo, leyo yindlela yekucala. Loko bekungakucatulula, uma bekungaba ngimi noma kube nguwe, kodvwa Nkulunkulu muhle kakhulu, Unyakatisa lonkhe litje lelincane, kute wonkhe umuntfu. . . Uyabatsandza bantfu, futsi Utama kwenta lenye intfo kutsi abaletse ku—kuMkhohla futsi babe nekukholwa kuYe.

⁵² Manje, uma iNkhosi Nkulunkulu ingembula kimi kutsi umeleni lapha, njengoba nje Enta emtfontjeni, kulowesifazane waseSamariya, Wayitfolo inkhatsato yakhe, futsi watsi nje Angamtjela kutsi inkhatsato yakhe yayikuphi, watsi, “Mnumzane, ngiyabona kutsi ungumProfethi Wena. Siyati kutsi uma Mesiya efika, Utokwenta letintfo leti, asikhombise letintfo leti.”

Futsi u. . . WaMkhohla kutsi ungumProfethi, kodvwa Jesu watsi, “NginguYe lolokhuluma nawe.”

Futsi wagijimela edolobheni wase utsi, “Wotani, nibone uMuntfu longitjele tintfo lengitentile. Ngabe Lona akusuye yini Mesiya?”

53 Uma leso bekusibonakaliso saMesiya ke, sibonakaliso saMesiya manje uma Ahlala anguye itolo, namuhla, naphakadze.

54 Wenta intfo lefanako ngesikhatsi Akumemetela esiveni semaJuda sebantfu ngekuletsa... Filiphu wahamba wayawutfola Nathanayeli emakhilomitha langemashumi lamatsatfu atungeleta lentsaba, wabuya naye, naJesu wantjela kutsi Bekati kutsi bekakuphi, loko lebekakwentile.

55 Bacabangani baFarisi ngaloko? Batsi kwakungudeveli. NaJesu watsi, “Ngiyanitsetselela, kodvwa uma Moya loNgcwele sekefikile kutokwenta intfo lefanako, livi linye lelimelene naWo lingeke litsetselelwe kulelive, noma eveni lelitako.”

56 Manje niyabona lapho sime khona. Khona manje liVangeli litofanele lifakazelwe kutsi licinisile noma liliphutsa. Uma Khristu enta setsembiso lesinjalo, Ubophelelekile eVini laKhe.

57 Futsi indvudvuto lenje pho kwati kutsi inkholo lesiyikhontako, Nkulunkulu nguyona nkholo lekuphela emhlabeni wonkhe lengafakaza kutsi Nkulunkulu wabo uyaphila! Ngibe nenhlanhla, ngime embikwebantfu labangemashumi lamabili nemashumi lamatsatfu labehlukene betenkholo, bantfu labakholwako labehlukene labakholelwa kubonkulunkulu labehlukene, bakaMohamedi naBhuda, nemaSikh, nemaJain, futsi, o, tonkhe tinhlobo letehlukene, nebemdzabu betingubo, futsi, netithico etandleni tabo. Kepha kute namunye umuntfu... Emadvodza ente titatimende letinkhulu, kodvwa munye kuphela uMuntfu Lowatsi, “Nginemandla ekubeka phansi kuphila kwaMi ngiphindze ngikutsatse futsi.” Futsi Wakwenta, futsi iminyaka lengemakhulu lalishumi nemfica, alibusiswe liGama laKhe, Usaphila, Akafi.

58 Njengoba nibona, hhayi ekoneni lelimnyama ndzawanatsite, lapha ngaphansi kwekukhanya, mine nalona wesifazane sihlngana kwekucala, ngitisho kutsi Khristu uyaphila kusihlwa.

59 Futsi uma kuphela ungatinikela wena lucobo kuMoya, Akakhulume nawe, manje, kutofanele kube ngulokuNgetulu kwemvelo, kuya ngekutsi ucabanga kutsi kuyini. Uma utsatsa luhlangotsi nebaFarisi, khona-ke utfola umvuzo wabo. Batsi kwakungudeveli, umbhuli noma lokutsite, Bhelzebule, inkhosana yemadimoni, lokukutsi noma ngubani uyati kutsi noma ngukuphi kuloya nekubhula kwadeveli, impela, kuyintfo develi layiphendvuketela.

60 UMoya weliciniso waNkulunkulu uvela kuKhristu futsi Lowo yedvwa. INkhosi isisite, dzadzewetfu. Kwangatsi Anganipha... Futsi uma Atonitjela... Manje, uma nje ngibeke tandla etikwakho, ngitsi, “Hamba, sewuphilisiwe,” bewuyoba nelilungelo lekukungabata loko, kodvwa uma Akutjela lokutsite lobekusemphilweni yakho, kutsi uyati noma...

intfo loyentile phansi emphilweni yakho, njengaNathanayeli, noma intfo lefana nalowesifazane kutsi bekanemadvodza lasihlanu, utokwati kutsi loko kuliciniso noma cha, khona-ke bani lijaji. Utowetsembeka kuNkulunkulu, utokwenta na? Ngitowetsembeka kuNkulunkulu.

⁶¹ Ngabe nine bantfu nitokwetsembeka kuNkulunkulu, futsi nitsi, “Uma Atokwenta loko, kutosusa konkhe kusola kimi, ngitokholwa kutsi Wavuka kulabafile”? UngaMetsembisa loko ngetandla takho tiphakeme? Nkulunkulu anibusise. Kwangatsi Angasipha kona ngumkhuleko wami.

⁶² Lodzadze uphetfwe sifo sekucacamba kwematsambo, nguloko lakufunela umkhuleko, lelo liciniso impela. Uma loko kunjalo, phakamisa sandla sakho.

⁶³ Sewuyakholwa manje? Manje, ngikhulume naye nje kakhudlwana.

⁶⁴ Wena utsite, “Bewungakucombelela loko, Mnaketfu Branham.”

⁶⁵ Niyabona, ungeke uyifihle imicabango yakho manje. Uyayibamba, iNkhosi iyayembula.

⁶⁶ Ngilaleleni, bantfu baseChattanooga: LeNgelosi yekuKhanya elasitfombeni lapha ayikho khashane ngemafidi lamabili kusuka lapho ngime khona njengamanje, lowo ngu ISHO KANJE INKHOSI. Futsi siyotfola ngeluSuku lekwaHlulelwa lapho kuyofakazelwa khona, uma ungeke ubukholwe Bukhona baKhe bufakaza ngaloko Lebekangiko emuva ngaleya ngaphambi kwekubetselwa kwaKhe, khona-ke ngeluSuku lekwaHlulelwa, niyobona.

⁶⁷ Ya, ngiyabona lodzadze atama kusuka entfweni letsite, situlo, utama kusukuma futsi uhlala phansi emuva, uyasukuma futsi. Usekamelweni, situlo lesincane lekungatsi sinemkhono kuso njengesitulo lesigencetelako. Utama kuphuma kuleyondzawo, uya ngasefasitelweni lakhe, ubambe umgogdla. Sifo sematsambo emgogdla, sisemhlane wakhe. Kunjalo impela.

⁶⁸ Ufuna umkhuleko walomunye umuntfu, futsi, leyo yindvodzakati yakho. Uyakholwa kutsi Nkulunkulu angangembulela kutsi yini lengalungi ngendvodzakati yakho? Uphetfwe tinhloko letimatima, lowo ngu ISHO KANJE INKHOSI.

⁶⁹ Kunentfo letsite lesolo igudvuta enhlitiyweni yakho, ngumkhuleko walomunye umuntfu, futsi, leyo yindvodzana yakho. Futsi unelitfunti lelimnyama etikwakhe, ukhulekela insindziso yemphefumulo wakhe, usoni, lowo ngu ISHO KANJE INKHOSI. Liciniso lelo. Uyakholwa na? Uma utokholwa. . .

⁷⁰ Uyati kutsi Intfo letsite iyakhuluma, Loyo akusimi, dzadze, ulivile liphimbo lami. Futsi manje, lowomuzwa

lobewukuwe emizuzwaneni lembalwa nje lendlulile uphakamile, awukakwenti? Emkhatsini wakho nami kume kuKhanya, leyoNgelosi. Seyihambile kuwe manje. Ngikholwa kutsi wemukela yonkhe intfo loyicelile. Hamba ukholwa futsi utoba nako lolokucelako. Nkulunkulu akubusise.

(Mnaketfu Vayle, ungeta lapha futsi...? Uphi Billy noma lomunye umuntfu lapha, manje? Kulungile.)

⁷¹ Sawubona, dzadze?

⁷² Manje, ngaphambi nje kwalodzadze, bangakhi kini labakholwa mbamba manje ngenhlitiyo yabo yonkhe? Manje, nine khona lapho longenalo likhadi lekukhulekelwa, etulu lapha kubovulande labasesitezi, nomangabe ukuphi, buka nje, utsi, “Nkhosi Jesu, uma loku kuliciniso, lendvodza ayikhulume nami ngephandle lapha. Akutsi yena...U—Uyafana...Ngi—ngiyati kutsi akusiyo lendvodza, ngoba ayingati, ngihleti lapha nje etetsamelini. Kodvwa usitjelile esikhashaneni lesendlulile kutsi WawungumPhristi loMkhulu lonekuvelana nebutsakatsaka betfu. Futsi Mvumele akhulume nami, khona-ke kutosusa konkhe kusola kimi, futsi ngitoKukholwa, Nkhosi Nkulunkulu kutsi U—kutsi Ufuna kungiphilisa, ungisindzise.”

⁷³ Yenta loko futsi utfole kutsi kwentekani. Wena lohleti ngephandle etetsamelini, kusobala...Ngisho loko ngenca yebantfu kulowmcabango wentfo letsite legijima etingcondvweni tabo, batibuta. Ungatibuti, bani nekukholwa nje. Watsi, “Uma ungakholwa nje, tonkhe tintfo tingenteka.”

⁷⁴ “Tonkhe tintfo,” akumangalisi loko na? “Konkhe kungenteka.”

⁷⁵ Sitihambi lomunye kulomunye, futsi, ngiyacabanga, huh, dzadze? Ubuheka kimi njengewesifazane lowetsembekile, ungumKhristu ngoba umoya wakho uyemukeleka. Unekutibonela, dzadze, kutsi ebukhoneni bemnakenu bekungeke kukwente utivele ngaleyondlela. Manje yetsembeka kimi nasetetsamelini: Njengamanje Intfo letsite icala kwenteka. Bekuyini na? Lesitfombe lesi lenisibonako lapha saleyoNgelosi, Nguloko lokufika kuwe njengamanje.

⁷⁶ Manje, kimi, ubukeka nje ukuKhanya sibili. Kodvwa ngiyakubona usuka kimi, futsi ukhulekela sifo sekucacamba kwematsambo. Futsi ukhulekela umyeni wakho, futsi unentfo lefanako. Kunjalo impela.

⁷⁷ Kukhona lokuseseluhlwini lwakho lwemthandazo lokuthandazelako, futsi sekusikhatsi lesidze, ngiyakubona uguca, unikela ngemkhuleko, futsi ngibona emadvodza lamabili asukuma, futsi omabili asibekelwe njengetoni. Bomnakenu, futsi ukhulekela insindziso yabo. Lowo ngu ISHO KANJE INKHOSI.

⁷⁸ Seniyakholwa manje kutsi Bukhona baKhe bulapha? Ngako-ke Nkulunkulu akubusise. Hamba, dzadzewetfu, naNkulunkulu akukhulule kuyo yonkhe intfo loyidzingako kukhululwa kuyo. Nkulunkulu akubusise, ngiyakhuleka.

⁷⁹ Hloniphani ngekutitfoba sibili, ngiyacela, uma nitsandza. Kungakholwa kungulenye yetintfo letimbi kakhulu kunato tonkhe letikhona. Angihambe nomakunjalo, kodvwa ungangivumeli ngibe ngulongakholwa wenkholo. Kungakholwa ngusona sono kuphela lesikhona. Kubhema, kunatsa, kuphinga, kwetfuka, kwetfuka, leso akusiso sono, loko yimiphumela yekungakholwa. “Loyo longakholwa sewuwele ulahliwe.”

⁸⁰ Futsi bantfu labatsi bayakholwa baya esontfweni, lababenkholo kakhulu, futsi basatsatfwa njengebantfu labangakholwa, toni, Jesu watsi, “Nine nibakababe wenu, develi,” kepha noko bebamnene nje futsi bakholwa ngako konkhe. Lidimoni lelibi kunawo onkhe lelikhona kusebentana nalo lidimoni letenkholo, esabeka ngalokuphindwe kasihlanu kwendlula nomangumuphi lomunye umoya lomubi.

⁸¹ INkhosi ikubusise, dzadze, lokukutsi, ungudzadzewetfu. Bewungaba ngumgceki, bewungema lapho kutsi—kutsi wente intfo lengakalungi. Bengingati kanjani kutsi bewungudzadzewetfu? Indlela lefanako Lebekati ngayo kutsi Nathanayeli bekayindvodza lelungile lengenankhohliso.

⁸² Awukatimeli wena lapho, umele lomunye umuntfu lapho, ngudzadzewenu, usesibhedlela. Unaleyontfo lencane lapho esandleni sakho. Wesifazane unemdlavuza. Nesihlobo losikhulekelako ngu anti wakho, dzadze eNkhosini, ngiyati kukushayile ngesikhatsi ngitsi *dzadze*. Akusiko kufundza ingcondvo yakho. Kungaleso sizatfu ngati nalabangakholwa bahleti emkhatsini.

⁸³ Manje hamba ukholwa, ungangabati, utosindza uma ungeke ukungabate. Nkulunkulu akubusise manje. Ungangabati lutfo, hamba ukholwa ngayo yonkhe inhltiyo yakho.

⁸⁴ Sawubona? Mnumzane, ngicabanga kutsi si—sithambi. Kuhlanguka kwetfu kwekucala? Angikwati, angikaze ngikubone, kodvwa Nkulunkulu uyakwati.

Niyakholwa ngenhltiyo yenu yonkhe ngephandle etetsamelini? Banini nekukholwa.

⁸⁵ Dzadze lomncane lohleti lapho lotsi kuba mdzala, anikina inhloko yakhe, wesibili emgceni lapho, emuva lapho, uyakholwa kutsi Nkulunkulu angakuphilisa kuleyonkhatsato yemankanka, akusindzise? Yebo-ke, Ukuphilisile ke. Utsintse Intfo letsite, uyati, BekuyiNkhosi Jesu.

⁸⁶ Uliphakamisele ini liduku lakho ebusweni bakho, dzadze lomncane? Uyangikholwa kutsi ngiyinceku yaNkulunkulu?

Wena logcoke lencane, ingubo lebukeka imtfubi, uyakholwa kutsi Nkulunkulu uyeva futsi aphenzvule umkhuleko na?

⁸⁷ Uphakamise liduku lakho, nawe, awukaliphakamisi yini, dzadze? Kulungile, ukhulekela babe wakho. Uyakholwa kutsi Utamphilisa kulowomdlavuza? Kulungile.

⁸⁸ Ddadze, wena lone . . .lohleti eceleni kwakhe, wesula emehlo akho, nakanjalonjalo, ukhulekela umyeni wakho, akasindziswa, lowo ngu ISHO KANJE INKHOSI. Bani nekukholwa futsi ukholwe, Nkulunkulu utokupha kona.

⁸⁹ Unemehlo lakhanyako, mnumzane, kodvwa loko akusho kutsi akahle ngako konkhe, ufuna ngikhulekele emehlo akho. Kunjalo. Akusiko loko kuphela, ufuna ngikhulekele lomunye umuntfu, lowo ngumkakho, unenkhatsato yenhltiyo. Wesaba umdlavuza, nawe, awuwesabi yini? Ungakhatsateki. Awusuye wakulelidolobha, ungumuntfu lokahle, uwasedolobheni lelitsiwa yiKnoxville. Ungumfundisi futsi. Kunjalo. Sibongo sakho nguKline, ligama lakho nguDavid, Umfundisi David Kline. Uma ukholwa ngenhltiyo yakho yonkhe, hamba wemukele loko lokucelile. . .? . . .

“Uma ungakholwa, konkhe kungenteka.”

⁹⁰ Ddadze losidudla emuva ngalapha ngesekudla sami, lohleti phansi lapha, ahleti lapho akhuleka ngemandla akho onkhe, uyakhuleka futsi kutsi Nkulunkulu utokutsintsa. Uyakholwa kutsi Nkulunkulu utokuphilisa kuleyonkhatsato yetinso, akusindzise? Ngifuna kukutjela lenye intfo lobewunayo, futsi, uneluhlobo lolutsite lwekukhwehlela lolukhwehlelako, sifuba semoya. Uma ukholwa ngenhltiyo yakho yonkhe, sukuma, usindze ke.

⁹¹ Uyakholwa na? Angikaze ngikubone, kodvwa Nkulunkulu uyakwati. Usenkingeni, uphetfwe ngematje enyongo. Kunjalo. Futsi uselusizini ngalomunye, leyo yindvodza, umnakenu, umdlavuza, uhlindziwe tikhatsi letiningi, ecinisweni, kane, kute impumelelo. Utokholwa ngenhltiyo yakho yonkhe? Uma utsandza, ungasuka langembali futsi wemukele loko lowukucelile, eGameni laKhristu.

Kholwa kuphela.

⁹² Yebo, wena lohleti khona lapho, dzadze lomncane lapho lofake lesincane, sigcoko lesibukeka sinsundvu, uyakholwa kutsi Nkulunkulu utakuphilisa kuleyonkhatsato yesisu, sifo sekucacamba kwematsambo, akusindzise? Yebo-ke, sewukwemukele. Nkulunkulu akubusise.

⁹³ Ngabe nguloddadze lona? Kutfolo. . .Kungakholwa lokuyincumbi lapha emizuzwini lembalwa leyendlulile, futsi kungente ngaba. . .

⁹⁴ Sitihambi kulomunye nalomunye, dzadze.

⁹⁵ Niyati, Jesu watsi, “Kuyekeleni kokubili kukhule kanyekanye, kokubili kolo nelukhula.” Nigculisekile kutsi Jesu uyaphila kusihlwa? Nigculisekile kutsi Uvukile kulabafile?

⁹⁶ Lodzadze usihambi kimi. Angikwati, ngiyakwati yini, dzadze? Sitihambi ngalokuphelele; banjalo nalabo labangehandle ekhatsi lapho.

⁹⁷ Akusuye lowesifazane, ngumntfwana losolo eta. Ngehandle ekupheleni kwelilayini lapho, uyakholwa kutsi Nkulunkulu umphilisile lolomncane? Ubuyisela kuva kwakhe, uyamphilisa, ususe umoya webuhhulu kuye, ungamnika Nkulunkulu ludvumo na? Mbuyisele emuva ekhaya lakhe-ke. Nkulunkulu akubusise. Hamba uye lapho ukhulume endlebeni yakhe, ubuke kutsi kwentekani.

⁹⁸ Uyakholwa ngenhlitiyo yakho yonkhe? Ngisihambi kuwe, kodvwa uphetfwe simo sekwetfuka, futsi lokubangele loko sinye, kukwenta ucansuke. Kunjalo. Liciniso lelo, akusilo yini?

⁹⁹ Uyakholwa na? Manje, niyabona, ngesikhatsi ngichubeka ngikhuluma nalodzadze... Kuvele nje... Ungacabanga kutsi kwentani kuwe, sengitokuwa nje. Kwentekani na? Bekungenteka kanjani kutsi bengingema lapha ngetulu kwaloko Lakwenta cobo lwaKhe, ngesikhatsi umuntfu munye...? Kuyini na? Nkulunkulu akazange asebentise siphwiwo saKhe, lowesifazane wasisebentisa, wadvonsa kuNkulunkulu, wadvonsa ngaJesu, kukholwa kwakhe, waMtsintsa. Watsi, “Ngi...” Bekangati kutsi kwentekani. Lowo nguwe lokusebentisako.

¹⁰⁰ Akumangalisi bantfu babanekusola, futsi utsi, “Yebo-ke, angicondzi, kungahle kube—kungahle kube *nguloku*, *lokwa*, noma *lolokunye*.” Kunguloku: Kungoba nibona khona lapha kuphela langembali, nguloku kuphela lenikubonako, anikho lengaphandle natsi emihlanganweni, ekhaya. Umkami lohleti khona lapho, naba bafana, naba bafundisi bahleti khona lapha, lababe nami njalonjalo, cabangani ngetintfo Lekushoko emaviki netinyanga neminyaka ngaphambili kwesikhatsi. Nike nakubona kwehluleka, bafana na? Ngalokuphelele, ngephandle lapho. Bangakhi lowati letotintfo kutsi tiliciniso na? Hhayi ngisho nakhona ekhatsi lapha, kodvwa ngehandle etindzaweni, bantfu labangatiko. Niyabona na?

¹⁰¹ Lona nguwe nje, usebentisa siphwiwo saNkulunkulu manje. Angisiso siphwiwo saKhe, YiNgelosi yeNkhosi, Ufanele asebentise liphimbo lemuntfu lotsite kutsi akukhulume.

¹⁰² Ngabe loku...? INkhosi seyimtjelile? Kulungile. Ngabe bekucinisile, loko Lekushito? Bekucinisile, loko Lekushito? Manje, uyati, dzadze, bengingeke ngikwati, indlela kuphela lengiyoke ngati ngayo manje kukutfole etheyiphini. Kodvwa ake sikhulume kancane nje. Yebo, nango ke, simo sesinye. Akusiko loko kuphela, u—ukhuleka nge—ngendvodzana. Kwaba kulimala kwebucopho lokwenteka. Kunjalo. Akusiko loko kuphela,

kodvwa unemnakenu lomkhulekelako, futsi lowo ngumdlavuzwa. Ugculisekile kutsi Nkulunkulu unguMphilisi? Khona-ke hamba, nekuthula kwaNkulunkulu kube nawe, futsi akubusise, akunike loko lokucelile. Kulungile.

¹⁰³ Niyakholwa, ngayo yonkhe inhltiyo yenu? Manje hloniphani ngekutitfoba sibili etetsamelini lapho, kholwani nje, banini nekukholwa.

¹⁰⁴ Uyakholwa kutsi inkhatsato yakho yelicolo ikushiyele ume lapho na? Uyakholwa na? Kulungile. Chubeka ngendlela yakho, utsi nje, “NgiyaKubonga, Nkhosi.”

¹⁰⁵ Uyakholwa kutsi inkhatsato yakho yebesifazane seyisukile kuwe, inkhatsato yabodzadze? Uyakholwa na? Kulungile, hamba ngendlela yakho, futsi utfokote futsi utsi, “NgiyaKubonga, Nkhosi Nkulunkulu.” Kulungile.

¹⁰⁶ Ddadze, awati noma uyakwati loku, noma cha, kodvwa usibekelwe ngumdlavuzwa. Be—bewukwati. Kulungile, uyakholwa kutsi Nkulunkulu ukuphilisile na? Hamba, ungaphindzi uhlushwe ngiko futsi.

¹⁰⁷ Wota, ddadze. Bewunekwetfuka sikhatsi lesidze. Loko kwacala ngesikhatsi unguwesifazane loneminyaka lecishe ibe ngemashumi lamane lapho khona kwaba nelushintjo lwemphilo lolwefika kuwe, lokubitwa ngekutsi kuma kuya esikhatsini, ngaloko, ube nenkinga lenkhulu. Futsi lenkinga manje seyite yaba esimeni sekugocana kwematfumbu esisu lapha, lokwenta ube nenkinga yesisu, silondza esiswini sakho. Kunjalo. Kungani Nkulunkulu ati kutsi kwentekani kuwe eminyakeni lengemashumi lamatsatfu nesihlanu leyendlula? Uyati kutsi bengingakwati loko, ngabe bengikwati, ddadze? Kulungile, hamba udle manje. Kholwa, utoba . . .

¹⁰⁸ Ubenemuzwa longejwayeleki, mbamba nangitsi inkinga yesisu, awukabi nako? Ya, yebo-ke, uphiliswe ngesikhatsi lesifanako, ngako chubeka nje uhambe ngendlela yakho, kukholwe ngayo yonkhe inhltiyo yakho.

Kulungile. Wonkhe umuntu . . .

¹⁰⁹ Uyakholwa kutsi lesosimo sesifuba semoya sitokuyekela? Uyakholwa kutsi Utokusindzisa? Kulungile, khona-ke hamba ngendlela yakho, futsi utsi, “NgiyaKubonga, Nkhosi Jesu.” Futsi ubusise ngayo yonkhe inhltiyo yakho.

¹¹⁰ Kube-ke angikasho lutfo kuwe, ngivele ngakutjela kutsi uphilisiwe, ungalitsatse livi lami ngako na? . . .? . . . Nkulunkulu akubusise. Chubeka nje uhambe ngendlela yakho.

¹¹¹ Bewungeke udzingeke kutsi utsatse i-insulini uma uya eKhalvari, Uyasiphilisa sifo sashukela. Uyakukholwa loko na? Hamba ngendlela yakho futsi utfokote, futsi utsi, “NgiyaKubonga, Nkhosi Nkulunkulu.”

¹¹² Yebo, unesigadla kulokunye, lokulandzelako simila, sisemadlalani akho ebefazane. Uyakholwa kutsi Nkulunkulu utokusindzisa? Hamba ngendlela yakho futsi utfokote futsi ujabule.


¹¹³ Niyakholwa ngetinhlitiyo tenu tonkhe na? UmBhalo utsi, “Letibonakaliso leti tiyobalandzela labakholwako.” Bangakhi labangemakholwa? Manje, ningayenta intfo letsite? Bekani tandla tenu etikwalomunye lapho ngakuwe, lomunye longakuwe lapho. Leti...Nonkhe bekani tandla tenu etikwalomunye nalomunye.

¹¹⁴ Manje, uma uyiMethodisti, khuleka ngendlela lowenta ngayo ebandleni leMethodisti; uma uyiPhentekhosti, khuleka ngendlela lowenta ngayo ebandleni lePhentekhostali; uma uyiBaptisti, khuleka ngendlela lowenta ngayo kuBaptisti, nomanguliphi libandla loya kulo, khulekela lomuntfu lobeke tandla takho etikwakhe. “Letibonakaliso leti tiyobalandzela labakholwako: Uma babeka tandla tabo etikwalabagulako, bayosindza.”

Manje asikhotsamise tinhloko tetfu.

¹¹⁵ Nkulunkulu loPhakadze naloBusisiwe, sikhulekela lomunye nalomunye, sivuma emaphutsa etfu lomunye kulomunye, futsi sivuma kukholwa kwetfu ekuvukeni kwaKhristu, iNdvodzana yaKho, Losetindzaweni tonkhe, Lolapha manje kusindzisa labagulako, kusindzisa soni.

¹¹⁶ O Nkulunkulu loPhakadze, vumela longakholwa abone liphutsa lakhe manje, futsi kwangatsi Moya loNgcwele angeta ngemandla lamakhulu, nekuhlabeka, futsi utfumele sihawu kubo futsi ubaletse ekwatini kwaKhristu lokusindzisako.

¹¹⁷ O, Sathane, wena lobophe labagulako, phuma kulabantfu! Wehluliwe ngoba uyadalulwa. Khristu uvukile kulabafile futsi uyaphila kusihlwa naphakadze kumemetela kuwe kutsi awunawo emalungelo lasemtsetfweni, Khristu wakuhlubula yonkhe intfo lowawunayo eKhalvari ekuhluphekeni kwaKhe lokukhulu, lokusibambiso, nekufa kwaKhe, nekuvuka kwaKhe kwekuncoba. Kubonakala kwaKhe lapha kusihlwa kusiletsele siciniseko kutsi Uyaphila, futsi Usigcobile, neBukhona baKhe bulapha manje. Futsi, Sathane, ungeke usababamba, phuma kubo, eGameni laJesu Khristu! 

58-0225 Liso LaNkulunkulu
EMemorial Auditorium
EChattanooga, ETennessee E-U.S.A.

SWATI

©2026 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Inotsisi yelilungelo lemtsetfo

Onkhe emalungelo agodliwe. Lencwadzi ingaprintwa ngeprinta yasekhaya yentelwe kutsi umuntfu atisebentisele yena noma kutsi iniketwe labanye, mahhala, njengelithulusi lekusabalalisa liVangeli laJesu Khristu. Lencwadzi akukamele itsengiswe, iphindze ikhicitwe tibetinengi, iposwe kuwebsayithi, igcinwe ngeluhlelo lwekutsi iphindze itfolakale, ihunyushelwe kuletinye tilwimi, noma isetjentiselwe kuticelela timali ngaphandle kwemvumo lebhaliwe lecondzile ye Voice Of God Recordings®.

Mayelana nelwati lolwengetiwe noma lwalwenye impahla lekhona, sita uchumane ne:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org